



Broj: 100-795/25

Mostar, 7.3.2025. godine

Na osnovu člana 48. Statuta Univerziteta „Džemal Bijedić“ u Mostaru, Upravni odbor Univerziteta, na 26. sjednici održanoj 7.3.2025. godine, donio je

ODLUKA

o utvrđivanju visine naknade za produženje roka za završetak doktorskog studija

I

Utvrđuje se visina naknade za kandidate kojima je odlukom Senata broj: 101-368/25 od 30.1.2025. godine produžen rok za završetak doktorskog studija za dodatne dvije godine, na način da kandidati plaćaju novčanu naknadu u iznosu od 1.500,00 KM (slovima: jednu hiljadu i petstotina i 00/100 konvertibilnih maraka) po semestru.

II

Odluka stupa na snagu danom donošenja.

Obrazloženje

Članom 4. stav (3) Pravila studiranja na III ciklusu studija i sticanja zvanja doktora nauka na Univerzitetu „Džemal Bijedić“ u Mostaru propisan je rok za završetak doktorskog studija od 6 (šest) godina. Na Inicijativu Doktorskog studija Evropskog prava na Pravnom fakultetu Univerziteta „Džemal Bijedić“ u Mostaru broj: 150-07-533/23 od 16.11.2023. godine, Senat Univerziteta je na 153. sjednici održanoj 30.11.2023. godine donio Odluku broj: 101-4102/23 od 30.11.2023. godine kojom se kandidatima upisanim na doktorske studije na Univerzitetu odobrava produženje roka za završetak doktorskog studija za jednu godinu od isteka propisanog roka od 6 (šest) godina.

Vijeće doktorskog studija „Politehnika“ je dana 20.1.2025. godine Senatu uputilo Inicijativu broj: 270-68/25 za produženje roka za završetak doktorskog studija kandidatima upisanim na doktorske studije na Univerzitetu za još 2 (dvije) godine od isteka roka predviđenog članom 4. stav (3) Pravila studiranja na III ciklusu studija i sticanja zvanja doktora nauka na Univerzitetu „Džemal Bijedić“ u Mostaru i Odlukom o produženju roka za završetak doktorskog studija kandidatima upisanim na doktorske studije na Univerzitetu „Džemal Bijedić“ u Mostaru broj: 101-4102/23 od 30.11.2023. godine.

Senat Univerziteta je na 168. sjednici održanoj 30.1.2025. godine razmatrao inicijativu, te je rukovodeći se interesom kandidata na doktorskim studijama i interesom Univerziteta, odlučeno da se odobri produženje roka za završetak doktorskog studija kandidatima upisanim na doktorske studije na Univerzitetu, tako da je sada ukupan rok za završetak doktorskog studija na Univerzitetu 9 (devet) godina.

Senat Univerziteta je na istoj sjednici utvrdio da za kandidate koji koriste ili će koristiti produženje roka za završetak doktorskog studija za jednu godinu Odlukom broj: 101-4102/23 od 30.11.2023. godine nije predviđeno plaćanje novčane naknade.

Novčana naknada iz člana I ove Odluke odnosi se na produženje roka za završetak doktorskog studija za dodatne 2 (dvije) godine od isteka roka predviđenog članom 4. stav (3) Pravila studiranja na III ciklusu studija i sticanja zvanja doktora nauka na Univerzitetu „Džemal Bijedić“ u Mostaru i Odlukom o produžetku roka za završetak doktorskog studija kandidatima upisanim na doktorske studija na Univerzitetu „Džemal Bijedić“ u Mostaru broj: 101-4102/23 od 30.11.2023. godine, odnosno isteka roka od 7 (sedam) godina za završetak doktorskog studija na Univerzitetu.

Na osnovu navedenog, Upravni odbor Univerziteta je odlučio kao u dispozitivu.



PREDSJEDNIK UPRAVNOG ODBORA

UNIVERZITETA „DŽEMAL BIJEDIĆ“ U MOSTARU

[Handwritten signature]
Van. prof. dr. Adis Zilić

Dostaviti:

1. Upravnom odboru
2. Fakultetima/univerzitetskim studijima
3. Računovodstveno-finansijskoj službi
4. a/a